

Mellorias in su Comunu de Gésturi

Su Comunu de Gésturi fait isciri ca is trabballus po torrai a cualificai sa pratzita ananti de s'intrada de su Comunu funt acabbaus.

Duncas, immoi, acanta de is murales nous, chi contant de sa traditzioni e de sa cultura gesturesa, ddoi at unas cantu argioleddas istravanadas, cun erba birdi birdi e froris de dónnia colori: unu logu aundi is tzitadinas e is tzitatdinus si podint atobiai a si gosai sa bellesa de su patrimóniu.



Un'àtera mellioria pertocat una pariga de bias, bia Santa Barbara e Bia Don Mario Cogoni: innoi funt acabbaus is trabballus de apomentadura cun s'asfartu nou, po donai prus decoru e seguresa a su sistema de bias de sa bidida.

Custu progetu est istétiu realizau gràtzias a unu finantziamentu de € 300.000 chi at donau sa Regione Sardinia cun sa DGR (Delibberatzioni de sa Giunta Regionali) 26/9 de su 25/07/2023.

In prus, intru sa fini de s'istadiali, s'ant a acabbai àterus trabballus, est a narri Bia De Gasperi, cancu tretu de Bia Cialdini, sa pratza de ciumentu de Bia Brigata Sassari.

Gràtzias a sa passiéntzia e a s'agiudu de is Gesturesus, sa bidde est sèmpiri prus bellixedda.



SA MARMIDDA CHISTIONAT IN SARDU - Progetu finantziau cun su dinai de sa Regione Autònoma de Sardigna cunforma a sa L. 482/99 e a sa L.R. 22/2018.